

AYO NA CHIKITO DI PALO MARGA "SEFERINO RIDDERSTAP"

Awe familiaran , conocirnan y amistades, ta despedi di "Chikito di Palo Marga", Sr. Seferino Ridderstap cu e siman aki a fallece.

CARNAVAL:

Seferino, un di e caranvalistanan veteranonan di prome ora di Carnaval di Aruba bao auspicio di Central Carnaval Comite Aruba y despues di SAC.

El a participa den varios grupo di carnaval di nos isla, cuminsando cu grupo di Sidonia den añanan 50 y por mira riba un di e portretnan caminda e ta bisti a la romano di e grupo Cleopatra, y tambe den su trahe africano di otro grupo di Sidonia. portret saca na corsow tempo cu e grupo a viaja pa Corsow den decada 50.

Despues Seferino a participa tambe den grupo di Tutu Rasmiijn despues di morto di Sidonia y den grupo di Esso, cu cual grupo el a termina su participacion tambe.

E tabata un di e veteranonan di caranval di kende anualmente por a tende : "Seferino ta den parada awe ?" Motibo di esaki ta cu e tabata un personahe carnavalistico masha popular pa su manera di presentacion riba caya , su baile y e alegria cu e tabata trece tanto pa esnan den gupo cune como pa e publico. Algun aña pasa el a retira di paradanan mas bien pa cuida su salud.

PARANDERO

Mes caranvalista cu difunto Dodo Willems tabata, y mes parandero , por bisa cu Seferino tabata tambe.

E "parandero" ta basa riba e Paranda di comienzo di aña.

Seferino tabata celebra tiro dicambio di aña na cas cu su familia, y poco despues ta



sali cu su paranda di Dande bishitando familia y conocirnan.

Pa añanan largo el a haci esaki y mes tampo cu el a stop cu carnaval, el a stop tambe cu e parandanan.

E tabata un figura masha popular di festivalnan di dande di nos isla, y tabata conoci pa su buscamiento di tocadorman na ultimo ora pa su participacion den e festivalnan.

Seferino Ridderstap a ser homenajea tambe pa organizadorman di e festival di dande pa su añanan di participacion cu entusiasmo.

Dande mescos cu Carnaval tabata un di e placernan grandi di su bida. Su compañero di dande pa hopi tempo tabata tambe "Hendrik Wernet" tata di e popular cantante di Dande y di tumba y musica popular Didi Wernet.

DRAGRACING

Seferino tabata un di e pion-

eronan di dragrace riba nos isla principalmente pa e comienzo di Raceway Park Palo Marga unda el a haya blaarnan na mannan trahando pa awe Aruba por tin un di e pistanan di dragrace mas moderno den Caribe.

E fanatico grandi cu e tabata di e deporte automovilistico aki a pone tambe cu el a haya e apodo di "Chikito di Palo Margo", unda e tabata un trahador incansable y admira cerca directivanan cu a sinta, coreadorman, tecniconan y fanaticonan di e deporte.

Seferino Ridderstap no tey mas, pero sigur e lo ta masha

recorda cerca tur esnan cu a conoce, principalmente cerca su familia pa e Arubiano stima cu e tabata tur caminda y su amor pa tur local tabata concerni nos cultura. Cu "Chikito di Palo Marga" sosega na paz.

July

Special

DEPORTE DI DRAG Y PALO MARGA A PERDE SEFERIN

For di inicio di Palo Marga, Seferin Ridderstap a forma parti di tur e desaroyonan cu a tuma lugar den deporte di Drag na Palo Marga.

Semper presente yen di entusiasmo, dispuesto pa yuda tur ora. Seferin su amor pa Palo Marga y Drag tabata grandi y pa e motibo ey ora cosnan no tabata anda bon cu e deporte, Seferin tabata tristo.

Di su parti, Seferin tabata haci tur esfuerzo pa yuda mehora e deporte. Pa Seferin no tabata importante ni cu ta SAMS, ARA, FINCAR, ADF of cualkier otro organizacion. Pa Seferin ta Drag y Palo Marga tabata importante y pa e motibo ey Seferin tabata traha y yuda cualkier organizacion na bienestar di Drag.

Seferin tabata e persona cu bao cualkier circunstancia tabata lanta e moral y entusiasmo cu su bon humor y dinamismo. Seferin a bira e identidad di Palo Marga durante historia di e Pista di Palo Marga.


Durante caredanan internacional, Seferin tabata briya como Arubiano servicial. Tur equipo di exterior tabata worde yuda y acomoda door di Seferin. Di e forma ey Seferin a bira amigo cu hopi participante for di Puerto Rico, USA, Curaçao, y Venezuela.

Seferin tabata tin dos cas: Su propio hogar y Palo Marga, y e tabata cuida Palo Marga manera su mesun cas.

Seferin a bay laga nos, pero su bon humor y entusiasmo lo keda semper cu nos. Nos mas sincero palabra di condolencia ta bay na famia, amigo, y conocirnan di Seferin. Cu Seferin descanza na paz.

Aruba Drag Race Foundation ta invita tur team, driver, y fanatico di Drag pa participa na e acto di entierro cu lo tuma lugar Diasabra 18 di Januari 1997 pa 3:30'or di atardi saliendo for di cas Weg Fontein 133 pa Misa Santa-Teresita, y despues pa Santana Catolico na San Nicolas.

A.D.F.
Aruba Drag Race Foundation.



Telefon di
DIARIO

26747

FAX **DIARIO**

28551